

Program Ramahmesra Pelajar IPTA Bersama Ketua Setiausaha Kementerian Pengajian Tinggi Malaysia di UMS

Disediakan oleh : Cik Norhana Bte Nordin



Ceria berkongsi maklumat YBhg. Datuk Ab. Rahim Bin Md. Noor (KSU KPT) bersama mahasiswa dari Politeknik Kota Kinabalu.

Seramai 65 orang mahasiswa IPTA melibatkan mahasiswa dari Universiti Malaysia Sabah (UMS), Universiti Teknologi Mara (UITM Sabah) dan Politeknik Kota Kinabalu telah menyertai Program Ramah Mesra Ketua Setiausaha dari Kementerian Pengajian Tinggi bersama Majlis Perwakilan Pelajar Sesi 2012/2013 dan Mantan Majlis Perwakilan Pelajar IPTA. Program bersama YBhg. Datuk Ab. Rahim Bin Md. Noor ini telah diadakan di Bilik Seminar, Jabatan Hal Ehwal Pelajar, UMS pada 4 November 2012 yang lepas.

Program ini bertujuan untuk mendampingi pelajar-pelajar IPTA khasnya kepada barisan kepimpinan Majlis Perwakilan Pelajar IPTA yang sedia ada. Program ini juga merupakan sebagai medium perkongsian pendapat serta maklumat bersama pelajar IPTA Zon Sabah disamping untuk memotivasikan para pelajar IPTA dalam transformasi membentuk pemimpin yang hebat di masa akan datang.

Program Ramah Mesra ini turut dihadiri oleh Timbalan Naib Canselor Hal Ehwal Pelajar dan Alumni, UMS, YBhg Prof. Madya Datuk Dr. Kasim Hj. Md. Mansur, pegawai jemputan dari Kementerian Pengajian Tinggi Malaysia dan pensyarah dari Politeknik Kota Kinabalu serta pegawai dari UMS.

Program pada petang tersebut telah dianjurkan oleh Kementerian Pengajian Tinggi dengan kerjasama Jabatan Hal Ehwal Pelajar, UMS. Penghargaan diucapkan kepada YBhg. Datuk Ab. Rahim Bin Md. Noor (KSU KPT), YBhg. Prof. Madya Datuk Dr. Kasim Hj. Md. Mansur (TNC HEPA), En. Mohammad Wazir Shafie Hj. Aliasah (Wakil Ketua Jabatan HEP) dan semua jawatankuasa dalam memberikan komitmen dan menyokong penuh program yang dijalankan serta bertungkus lumus untuk menjayakannya.



YBhg. Datuk Ab. Rahim Bin Md. Noor (KSU KPT) sedang menyampaikan sesi pada petang tersebut



YBhg. Datuk Ab. Rahim Bin Md. Noor (KSU KPT) beramah mesra bersama barisan kepimpinan MPP, UMS.



Kenangan mahasiswa dari UMS, UITM Sabah dan Politeknik Kota Kinabalu bersama YBhg. Datuk Ab. Rahim Bin Md. Noor (KSU KPT)